

CINNEADH (AE) 2022/2575 ÓN gCOMHAIRLE**an 19 Nollaig 2022**

maidir leis an seasamh atá le glacadh thar ceann an Aontais Eorpaigh sa Chomhairle Comhpháirtíochta arna bunú leis an gComhaontú Trádála agus Comhair idir an tAontas Eorpach agus an Comhphobal Eorpach do Fhuinneamh Adamhach, de pháirt, agus Ríocht Aontaithe na Breataine Móire agus Thuaisceart Éireann, den pháirt eile, a mhéid a bhaineann le cinneadh ón gComhairle Comhpháirtíochta a ghlacadh chun liosta de dhaoine aonair atá toilteanach agus inniúil ar bheith ina gcomhaltaí de bhinse eadrána faoin gComhaontú sin a bhunú

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 217, i gcomhar le hAirteagal 218(9) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) An Comhaontú Trádála agus Comhair idir an tAontas Eorpach agus an Comhphobal Eorpach do Fhuinneamh Adamhach, de pháirt, agus Ríocht Aontaithe na Breataine Móire agus Thuaisceart Éireann, den pháirt eile ⁽¹⁾ ('an Comhaontú Trádála agus Comhair'), tugadh i gcrích é le Cinneadh (AE) 2021/689 ⁽²⁾ ón gComhairle agus tháinig sé i bhfeidhm an 1 Bealtaine 2021.
- (2) De bhun Airteagal 752(1) den Chomhaontú Trádála agus Comhair, tá an Chomhairle Comhpháirtíochta, arna bunú le hAirteagal 7(1) den Chomhaontú sin, le liosta de dhaoine aonair atá toilteanach agus inniúil ar bheith ina gcomhaltaí de bhinse eadrána a bhunú. Tá trí fholiosta le bheith sa liosta: foliosta amháin de dhaoine aonair a bhunófar ar bhonn tograí ón Aontas; foliosta amháin de dhaoine aonair a bhunófar ar bhonn tograí ó Ríocht Aontaithe na Breataine Móire agus Thuaisceart Éireann ('an Ríocht Aontaithe'); agus foliosta amháin de dhaoine aonair nach náisiúnaigh de cheachtar den dá Pháirtí iad a fhónfaidh mar chathaoirleach don bhinse eadrána.
- (3) Tá cúigear ar a laghad le háireamh ar gach foliosta.
- (4) De bhun Airteagal 741(2) den Chomhaontú Trádála agus Comhair, tá na headránaí uile le bheith ina ndaoine nach bhfuil a neamhspleáchas inchurtha in amhras, agus a bhfuil na cáilíochtaí is gá acu chun iad a cheapadh do na hoifigí breithiúnacha is airde ina dúr féin nó atá ina ndlí-eolaithe a bhfuil inniúlacht aitheanta acu. Tá saineolas le bheith léirithe acu sa dlí agus i dtrádáil idirnáisiúnta, lena n-áirítear saineolas faoi ábhair shonracha a chumhdaítear faoi Theidil I go VII, Caibidil 4 de Theideal VIII, Teidil IX go XII de Cheannteideal a hAon de Chuid a Dó nó Ceannteideal a Sé de Chuid a Dó den Chomhaontú Trádála agus Comhair, nó saineolas sa dlí agus in aon ábhar eile a chumhdaítear leis an gComhaontú sin nó le haon chomhaontú ar forlíonadh air é agus, i gcás cathaoirligh, taithí a bheith acu ar nósanna imeachta um réiteach díospóide.
- (5) I gcomhréir le hAirteagal 752(3) den Chomhaontú Trádála agus Comhair, níl daoine atá ina gcomhaltaí, ina n-oifigigh nó ina seirbhísigh eile d'institiúidí an Aontais, de rialtas Ballstáit ná de rialtas na Ríochta Aontaithe le bheith ar an liosta sin.
- (6) Ar bhonn na dtograí ón Aontas agus ón Ríocht Aontaithe, tá an Chomhairle Comhpháirtíochta le foliosta d'ochtair maidir le seasamh chomhaltaí an bhinse eadrána a chomhaontú, agus dhá fholiosta de sheisear maidir le seasamh chomhaltaí an bhinse eadrána a chomhaontú.

⁽¹⁾ IO L 149, 30.4.2021, lch. 10.

⁽²⁾ Cinneadh (AE) 2021/689 ón gComhairle an 29 Aibreán 2021 maidir le tabhairt i gcrích, thar ceann an Aontais, an Chomhaontaithe Trádála agus Comhair idir an tAontas Eorpach agus an Comhphobal Eorpach do Fhuinneamh Adamhach, de pháirt, agus Ríocht Aontaithe na Breataine Móire agus Thuaisceart Éireann, den pháirt eile, agus an Chomhaontaithe idir an tAontas Eorpach agus Ríocht Aontaithe na Breataine Móire agus Thuaisceart Éireann a bhaineann le nósanna imeachta slándála maidir le faisnéis rúnaicmithe a mhalartú agus a chosaint, (IO L 149, 30.4.2021, lch. 2).

- (7) Tá bunú an tseasaimh atá le glacadh thar ceann an Chomhphobail Eorpaigh do Fhuinneamh Adamhach sa Chomhairle Comhpháirtíochta a mhéid a bhaineann le hábhair a thagann faoi inniúlacht an Chomhphobail Eorpaigh do Fhuinneamh Adamhach faoi réir nós imeachta ar leithligh.
- (8) Is iomchuí an seasamh atá le glacadh thar ceann an Aontais sa Chomhairle Comhpháirtíochta a bhunú,

TAR ÉIS AN CINNEADH SEO A GHLACADH:

Airteagal 1

Leagtar amach sa dréachtchinneadh ón gComhairle Comhpháirtíochta atá i gceangal leis an gCinneadh seo an seasamh atá le glacadh thar ceann an Aontais sa Chomhairle Comhpháirtíochta arna bunú ag Airteagal 7(1) den Chomhaontú Trádála agus Comhair idir an tAontas Eorpach agus an Chomhphobal Eorpach do Fhuinneamh Adamhach, de pháirt, agus Ríocht Aontaithe na Breataine Móire agus Thuaisceart Éireann, den pháirt eile.

Airteagal 2

Foilseofar an cinneadh ón gComhairle Comhpháirtíochta in *Iris Oifigiúil an Aontais Eorpaigh*.

Airteagal 3

Tiocfaidh an Cinneadh seo i bhfeidhm ar dháta a ghlactha.

Arna dhéanamh sa Bhruiséil, an 19 Nollaig 2022.

Thar ceann na Comhairle
An tUachtarán
J. SÍKELA

DRÉACHT

CINNEADH UIMH. ... ÓN gCOMHAIRLE COMHPHÁIRTÍOCHTA ARNA BUNÚ LEIS AN GCOMHAONTÚ TRÁDÁLA AGUS COMHAIR IDIR AN TAONTAS EORPACH AGUS AN COMHPHOBAL EORPACH DO FHUINNEAMH ADAMHACH, DE PHÁIRT, AGUS RÍOCHT AONTAITHE NA BREATAINE MÓIRE AGUS THUAISCEART ÉIREANN, DEN PHÁIRT EILE

AN ...

LENA MBUNAÍTEAR LIOSTA DE DHAOINE AONAIR A BHEIDH TOILTEANACH AGUS INNIÚIL AR BHEITH INA GCOMHALTAÍ DE BHINSE EADRÁNA, FAOIN GCOMHAONTÚ TRÁDÁLA AGUS COMHAIR

TÁ AN CHOMHAIRLE COMHPHÁIRTÍOCHTA,

Ag féachaint don Chomhaontú Trádála agus Comhair idir an tAontas Eorpach agus an Comhphobal Eorpach do Fhuinneamh Adamhach, de pháirt, agus Ríocht Aontaithe na Breataine Móire agus Thuaisceart Éireann, den pháirt eile ⁽¹⁾ (“an Comhaontú Trádála agus Comhair”), agus go háirithe Airteagal 752(1) de,

De bharr an mhéid seo a leanas:

- (1) De bhun Airteagal 752(1) den Chomhaontú Trádála agus Comhair, tá an Chomhairle Comhpháirtíochta le liosta a bhunú de dhaoine aonair a bheidh toilteanach agus inniúil ar bheith ina gcomhaltaí ar bhinse eadrána. Beidh 15 dhuine ar a laghad ar an liosta sin agus beidh 3 fholiosta ann: (a) foliosta amháin de dhaoine aonair a bhunófar ar bhonn moltaí ón Aontas; (b) foliosta amháin de dhaoine aonair a bhunófar ar bhonn moltaí ón Ríocht Aontaithe; agus (c) foliosta amháin de dhaoine aonair nach náisiúnaigh de cheachtar den dá Pháirtí iad a fhónfaidh mar chathaoirleach don bhinse eadrána.
- (2) Áireofar cúigear ar a laghad ar gach foliosta.
- (3) De bhun Airteagal 741 den Chomhaontú Trádála agus Comhair, beidh na headránaí uile ina ndaoine nach bhfuil a neamhspleáchas inchurtha in amhras, agus a bhfuil na cáilíochtaí is gá acu chun iad a cheapadh do na hoifigí breithiúnacha is airde ina dtír féin nó atá ina ndlí-eolaithe a bhfuil inniúlacht aitheanta acu. Beidh saineolas léirithe acu sa dlí agus i dtrádáil idirnáisiúnta, lena n-áirítear saineolas faoi ábhair shonracha a chumhdaítear faoi Theidil I go VII, Caibidil 4 de Theideal VIII, Teidil IX go XII de Cheannteideal a hAon de Chuid a Dó nó Ceannteideal a Sé de Chuid a Dó, nó saineolas sa dlí agus in aon ábhar eile a chumhdaítear leis an gComhaontú Trádála agus Comhair nó le haon chomhaontú ar forlíonadh air é agus, i gcás cathaoirligh, taithí a bheith acu ar nósanna imeachta um réiteach díospóide.
- (4) I gcomhréir le hAirteagal 752(3) den Chomhaontú Trádála agus Comhair, ní bheidh daoine atá ina gcomhaltaí, ina n-oifigigh nó ina seirbhísigh eile d’institiúidí an Aontais, de rialtas Ballstáit ná de rialtas na Ríochta Aontaithe ar an liosta sin.
- (5) Ar bhonn na dtograí ón Aontas agus ón Ríocht Aontaithe, is iomchuí don Chomhairle Comhpháirtíochta an dá fholiosta de sheisear maidir le seasamh chomhaltaí an bhoird eadrána a chomhaontú, agus an foliosta d’ochtar maidir le seasamh chathaoirleach an bhinse eadrána a chomhaontú,

TAR ÉIS AN CINNEADH SEO A GHLACADH:

Airteagal 1

Leagtar amach san Iarscríbhinn an liosta de dhaoine aonair a bheidh toilteanach agus inniúil ar bheith ina n-eadránaithe faoin gComhaontú Trádála agus Comhair idir an tAontas Eorpach agus an Comhphobal Eorpach do Fhuinneamh Adamhach, de pháirt, agus Ríocht Aontaithe na Breataine Móire agus Thuaisceart Éireann, den pháirt eile.

⁽¹⁾ IO L 149, 30.4.2021, lch. 10.

Airteagal 2

Tiocfaidh an Cinneadh seo i bhfeidhm an lá tar éis lá a ghlactha.

Arna dhéanamh ...,

*Thar ceann na Comhairle Comhpháirtíochta
Na Comhchathaoirligh*

IARSCRÍBHINN

- (a) An foliosta de dhaoine aonair arna bhunú ar bhonn moltaí ón Aontas:

Laurence BOISSON DE CHAZOURNES

Irina BUGA

Hélène RUIZ FABRI

Michael HAHN

Crenguța LEAUA

Peter Leo Henri VAN DEN BOSSCHE

- (b) An foliosta de dhaoine aonair arna bhunú ar bhonn moltaí ón Ríocht Aontaithe:

Lorand Alexander BARTELS

Lawrence COLLINS

Jean E. KALICKI

Surya P. SUBEDI

David UNTERHALTER

Janet M. WHITTAKER

- (c) An foliosta de dhaoine aonair ba cheart fónamh mar chathaoirleach don bhinse eadrána:

Leora BLUMBERG

Thomas COTTIER

William J. DAVEY

Gavan GRIFFITH

Valerie HUGHES

Campbell MCLACHLAN

Penelope Jane RIDINGS

J. Christopher THOMAS
